



Broj: T01 0 KT 0042087 22  
Bihać, 02.10.2024. godine

**OPĆINSKI SUD U BIHAĆU**  
- Sucu za prethodno saslušanje-

Na osnovu odredbe člana 45. stav 2. tačke i) i h) u vezi s odredbama člana 241. stav 1. i člana 350. stav 1. i 2. Zakona o krivičnom postupku F BiH (u daljnjem tekstu ZKP), podižem:

**OPTUŽNICU**

**PROTIV:**  
**A.T.**

**DA JE**

Da je dana 06.10.2022. godine, u vremenu od 09,09 sati do 09,35 sati, u Bihaću, u ulici Bosanska, u sudnici Općinskog suda u Bihaću, tijekom svog svjedočenja u dokaznom postupku na glavnom pretresu u krivičnom postupku protiv optuženih M. H., S. I. i E. A., u krivičnom predmetu, broj: 17 0 K ... 19 K, a po optužnici KT USK, broj: T01 0 KT ... 17 od 08.01.2019. godine, kojom je M. i S. stavljeno na teret da su kao supočinitelji počinili krivično djelo Podjedovanje i omogućavanje uživanja opojnih droga iz člana 239. stav 2. u vezi sa stavom 1. KZ F BiH u stjecađu s krivičnim djelom Nedopuštena proizvodnja i stavljanje u promet opojnih droga iz člana 238. stav 1. KZ F BiH, iako je prethodno upozoren da davanje lažnog iskaza predstavlja krivično djelo, svjestan da daje lažan iskaz, što je i htio, kao svjedok optužbe, a na pitanja stranaka i Suda lažno izjavio da ne poznaje M. i S. toliko dobro, da nije konzumirao „speed“, ali jeste „travu“, da se ne sjeća od koga je u razdoblju od 2016. godine do 2017. godine kupovao Cannabis, ali da nije kupovao od optuženih M. i S., da je odlazio kod S. u stan na druženje, da je s njim u stanu u par navrata konzumirao Cannabis te da tada M. nije bila prisutna, da od M. i S. nije kupovao ni Cannabis ni „speed“, kad je sa S. konzumirao Cannabis kod njega u stanu nikada nije bila prisutna neka druga osoba, ni D.H., ni H. Š., ni A. B., da s M. i S. nije komunicirao putem poruka niti je preko poruka s njima dogovarao kupnju droge te da se ne sjeća nikakve poruke, iako je prilikom saslušanja tijekom istrage pred istražiteljima MUP-a USK-a, Uprave policije, Sektora kriminalističke policije, na zapisnik, broj: ... od 31.10.2018. godine, prethodno upozoren na dužnost kazivanja istine, izjavio da M. i S. osobno poznaje i da su u prijateljskim odnosima, da ih je upoznao prije dvije godine, da u posljednjih nekoliko godina konzumira Cannabis i „speed“ te da je više puta u njihovom stanu s njima konzumirao navedene opojne droge, kao i da je od njih u više navrata naručivao i kupovao opojnu drogu Cannabis tako što bi prethodno stupio s njima u kontakt putem SMS-a ili društvenih mreža (MSM i Viber) i dogovorio količinu navedene droge koju bi kupio, nakon čega bi odlazio kod njih u stan i preuzimao istu, koju je uredno plaćao odmah po isporuci, i to 10,00 KM za jedan paketić navedene droge, a na način da bi došao kod njih u stan, a onda bi M. njemu predala paketić navedene droge, nakon čega bi on novac stavio na stol, a novac sa stola bi preuzimali M. ili S., da mu je M. nudila na prodaju opojnu drogu „speed“ za iznos od 20,00 KM te da je od iste jednom kupio navedenu drogu za navedeni iznos, da su kod M. i S. u stanu, zajedno s njim, često boravili H. Š., D. H. i A. B. i konzumirali narkotička sredstva te da su i oni od M. i S. nabavljali i kupovali opojne droge Cannabis i „speed“, da su dana 30.07.2017. godine oko 19,30 sati on i S. komunicirali preko poruka putem Messengera, kojom prilikom je on od S. naručio jedan paket opojne droge Cannabis za svog radnog kolegu, a koji paket mu je isporučio H. Š., da bi on nakon dva ili tri dana osobno S. predao novac za istu, kao i da su dana 04.04.2017. godine oko 14,55 sati on i S. komunicirali preko poruka vezano za nabavku i kupovinu opojne droge Cannabis od S., pa je Općinski sud u Bihaću, u navedenom krivičnom postupku, priklonivši, između ostalog, vjeru njegovoj izjavi iz istrage, donio presudu dana 17.07.2023. godine kojom je M. i S. oglasio krivima i izrekao im jedinstvene kazne zatvora u trajanju od po 3 (tri) godine i 3 (tri) mjeseca, koja presuda je u osuđujućem dijelu potvrđena presudom Kantonalnog suda u

Bihaću, broj: 17 0 K ... 24 Kž od 13.08.2024. godine, a preinačena u odluci o krivičnopravnoj sankciji tako da su im izrečene jedinstvene kazne zatvora umanjene na po 1 (jednu) godine i 10 (deset) mjeseci,

Dakle, dao lažan iskaz u krivičnom postupku u Federaciji,

Čime je počinio krivično djelo Davanje lažnog iskaza iz člana 348. stav 3. KZ F BiH.

Na osnovu iznesenog predlažem da Sud donese presudu kojim se osumnjičeni A. T.oglašava krivim za krivično djelo Davanje lažnog iskaza iz člana 348. stav 3. KZ F BiH i da mu se, temeljem odredbe 350. ZKP F BiH, izda sljedeći

#### KAZNENI NALOG

Optuženom A. T., s ostalim podacima kao u optužnici, zbog krivičnog djela Davanje lažnog iskaza iz člana 348. stav 3. KZ F BiH izriče se:

#### UVJETNA OSUDA

Kojom mu se za učinjeno krivično djelo Davanje lažnog iskaza iz člana 348. stav 3. KZ F BiH utvrđuje kazna zatvora u trajanju od 6 (šest) mjeseci i istodobno određuje da se utvrđena kazna neće izvršiti ukoliko u roku od 1 (jedne) godine od pravomoćnosti presude ne izvrši novo krivično djelo.

Shodno izloženom, stavljam:

#### **P r i j e d l o g dokaza koje treba izvesti**

- 1. Da se ispita svjedok:**
- 2. Da se pročita:**

#### REZULTATI ISTRAGE

**Dokazi koji potkrepljuju navode optužnice:**

KANTONALNA TUŽITELJICA